



ორბი ჯგუფი
ORBI GROUP
HTTP://WWW.ORBIGROUP.NET

ქ. ბათუმი

02. 07. 2016

ბ რ ძ ა ნ ე ბ ა № 10482

ინსტრუქცია

„ორბის“ ჰოლდინგში შემავალი კომპანიების/ იურიდიული პირების მიერ, სასტუმრო კომპლექსებში საერთო საკუთრებაში არსებული ქონების მოვლასთან დაკავშირებული მომსახურების ხელშეკრულების ფარგლებში მოთხოვნათა უზრუნველყოფის ზოგიერთი საშუალების გამოყენების განმარტების თაობაზე

1. ინსტრუქციის მიზანი

„ორბის“ ჰოლდინგში შემავალი კომპანიების/ იურიდიული პირების მიერ, სასტუმრო კომპლექსებში საერთო საკუთრებაში არსებული ქონების მოვლასთან დაკავშირებული მომსახურების ხელშეკრულების (შემდგომში - „მომსახურების ხელშეკრულება“) ფარგლებში მოთხოვნათა უზრუნველყოფის საშუალებების გამოყენებასთან დაკავშირებით ინსტრუქციის (შემდგომში - „ინსტრუქცია“) მიზანია სასტუმრო კომპლექსებში საერთო სარგებლობაში არსებული ქონების მოვლის ვალდებულების ჯეროვნად შესრულების უზრუნველყოფა, სასტუმრო ნომრების კეთილსინდისიერი მესაკუთრეების ინტერესების დაცვა და მომსახურების საფასურის გადახდის ეფექტიანად აღმინისტრირება.

2. ინსტრუქციის ფაქტობრივი საფუძვლები

2.1. ამ მომენტისთვის არსებული მდგომარეობით, „მომსახურების ხელშეკრულების“ 6.3 პუნქტის შესაბამისად, „მომსახურების ხელშეკრულებით“ გათვალისწინებული საფასურის გადახდის ვადის დარღვევის შემთხვევაში, სასტუმრო ნომრის მესაკუთრის მიერ შესაბამისი დარღვევის აღმოფხვრამდე, მოთხოვნის უზრუნველყოფის მიზნით შემსრულებელი უფლებამოსილია სასტუმრო ნომრის მესაკუთრეს და/ან მესაკუთრის საკუთრებაში არსებული სასტუმრო ნომრის მოსარგებლეს უარი უთხრას შემსრულებლის საკუთრებაში არსებული ქონებით, მათ შორის საკომუნიკაციო ინფრასტრუქტურით/ქსელით, ელექტროენერგიის, წყლისა და შემსრულებლის საკუთრებაში არსებული ნებისმიერი სხვა ქონების გამოყენებაზე/სერვისის მიწოდებაზე;

2.2. იმავე პუნქტის ფარგლებში, შემსრულებელი უფლებამოსილია (1) ნებისმიერ მესამე პირს, მათ შორის სს „ენერგო-პრო ჯორჯია“-ს, შპს „ბათუმის წყალს“ და ა.შ. აუდიტორს/მეუზღუდლოს (უარი უთხრას) „მესაკუთრისათვის“ და/ან მესაკუთრის საკუთრებაში არსებული



სასტუმრო ნომრის მოსარგებლისათვის საქონლის მიწოდების და/ან მომსახურების გაწევის, მათ შორის ელექტროენერგიის, წყლის, წყალანირების, საკომუნიკაციო მომსახურების (IPTV, ინტერნეტი და WiFi-ინტერნეტი, VoIP) და ა.შ მიწოდების/მომსახურების გაწევის მიზნით როგორც შემსრულებლის საკუთრებაში არსებული ქონების, ისე ნებისმიერი საერთო საკუთრების/სარგებლობის ქონების/სივრცის გამოყენება/სარგებლობა; (2) ნებისმიერ მესამე პირს, მათ შორის სს „ენერგო-პრო ჯორჯია“-ს, შპს „ბათუმის წყალს“ და ა.შ, მოსთხოვოს მესაკუთრისათვის და/ან მესაკუთრის საკუთრებაში არსებული სასტუმრო ნომრის მოსარგებლისათვის საქონლის მიწოდების და/ან მომსახურების გაწევის, მათ შორის ელექტროენერგიის, წყლის, წყალანირების, საკომუნიკაციო მომსახურების (IPTV, ინტერნეტი და WiFi-ინტერნეტი, VoIP) და ა.შ მიწოდების/მომსახურების გაწევის მიზნით როგორც შემსრულებლის საკუთრებაში არსებული ქონების, ისე ნებისმიერი საერთო საკუთრების/სარგებლობის ქონების/სივრცის გამოყენების/სარგებლობის 2 (ორი) სამუშაო დღის ვადაში შეწყვეტა; (3) აღნიშნული 2 (ორი) დღიანი ვადის გასვლის შემდეგ თავად განახორციელოს როგორც შემსრულებლის საკუთრებაში არსებული ქონების, ისე ნებისმიერი საერთო საკუთრების/სარგებლობის ქონების/სივრცის მესაკუთრის, მესაკუთრის საკუთრებაში არსებული სასტუმრო ნომრის მოსარგებლის, სს „ენერგო-პრო ჯორჯია“-ს, შპს „ბათუმის წყალს“ და ნებისმიერი სხვა პირის მიერ გამოყენების/სარგებლობის აღკვეთა (მრიცხველების გამორთვა, საქონლის მიწოდების/მომსახურების გაწევისათვის გამოყენებული ტექნიკური საშუალებების (მილი, ხაზი, კაბელი, ანძა, საკომუნიკაციო ინფრასტრუქტურა და სხვა) გადაჭრა/გადაკეტვა/აღება და/ან სხვაგვარად გაუვნებელყოფა;

2.3. არსებული სახელშეკრულებო მოწესრიგება საშუალებას იძლევა, მოხდეს მომსახურების საფასურის ეფექტიანად ამოღება. ამავდროულად, მომსახურების გაწევა დაკავშირებულია მნიშვნელოვან საოპერაციო ხარჯებთან. ასევე, აღნიშნული მომსახურება საჭიროებს შრომით რესურსს და მუდმივ განახლება-განვითარებას. ამდენად, მომსახურების საფასურის დროული და სრული დაფარვა საკვანძო მნიშვნელობის საკითხია იმისათვის, რომ „ორბის“ ჰოლდინგში შემავალმა შესაბამისმა კომპანიამ/ იურიდიულმა პირმა ჯეროვნად შეასრულოს შესაბამისი მომსახურების ხელშეკრულებით ნაკისრი ვალდებულებები.

2.4. აღნიშნულის პარალელურად, არსებობს მომხმარებელთა უფლებების დაცვის ინტერესი. „ორბის“ ჰოლდინგის მიზანია, მატერიალური, ინფორმაციული და ადამიანური რესურსების არათანაბარმა გადანაწილებამ არ გამოიწვიოს ხელშეკრულების სუსტი მხარის ინტერესის შელახვა. მოცემულ შემთხვევაში ბინის მესაკუთრეთა ინტერესს წარმოადგენს კომუნალური მომსახურებების ხარისხიანად და უწყვეტად მიღება და მომსახურებაზე სამართლიანი პირობებით წვდომა. აღნიშნული ინტერესის სწორი ბალანსისთვის მიზანშეწონილია მოხდეს კომუნალურ მომსახურებასთან დაკავშირებით სახელმწიფოს მიერ განსაზღვრული პრაქტიკის ანალიზი, რაც ასახულია ქ. თბილისში ელექტრომომარაგების, წყალმომარაგებისა და დასუფთავების ერთიანი ინტეგრირებული და კოორდინირებული სისტემის მეშვეობით განხორციელების პროცედურაში.

3. მსგავსი პრაქტიკის მიმოხილვა

3.1. „ორბის“ ჰოლდინგში შემავალი კომპანიების/იურიდიული პირების მიერ „მომსახურების ხელშეკრულების“ ფარგლებში გასაწევი მომსახურების მსგავს საქმიანობას წარმოადგენს აბონენტებისათვის კომუნალური მომსახურების მიწოდება (გაზმომარაგება, დასუფთავების მომსახურება, წყალმომარაგება, წყალარინება, ელექტროენერგიის მიწოდების მომსახურება). ამდენად, ინსტრუქციის მიზნების ჯეროვნად აღსრულებისათვის რეგულაციური მსგავსი პრაქტიკის მიმოხილვა.



3.2. „ელექტროენერგეტიკისა და ბუნებრივი გაზის შესახებ“ საქართველოს კანონის 49⁶ მუხლის¹ შესაბამისად, საქართველოს ენერგეტიკისა და წყალმომარაგების მარეგულირებელი ეროვნული კომისიას მიეცა უფლებამოსილება, განესაზღვრა ელექტროენერგიის, ბუნებრივი გაზის, წყალმომარაგების და დასუფთავების მომსახურებისა და შესაბამისი საფასურის/მოსაკრებლის გადახდევინების ადმინისტრირების ერთიანი ინტეგრირებული და კოორდინირებული სისტემა. აღნიშნული მუხლის მე-4 პუნქტის შესაბამისად, ადმინისტრატორს ადმინისტრირების ერთიანი სისტემის მეშვეობით მომსახურების გაწევისას, ქვითარში ასახული ერთ-ერთი საფასურის ან/და მოსაკრებლის გადაუხდელობის ან არასრული გადახდის შემთხვევაში დაეკისრა შესაბამისი მომხმარებლისთვის თავისი მომსახურების გაწევის შეწყვეტის ვალდებულება. აღნიშნული ნორმები აისახა „ქ. თბილისში ელექტრომომარაგების, წყალმომარაგებისა და დასუფთავების ერთიანი ინტეგრირებული და კოორდინირებული სისტემის მეშვეობით განხორციელების შესახებ“ საქართველოს ენერგეტიკისა და წყალმომარაგების მარეგულირებელი ეროვნული კომისიის 2010 წლის 13 ოქტომბრის №24/3 გადაწყვეტილებაში (შემდეგში - „გადაწყვეტილება“). „გადაწყვეტილების“ შესაბამისად, ქ. თბილისის ფარგლებში ელექტრომომარაგების, წყალმომარაგებისა და დასუფთავების ერთიანი სისტემის ადმინისტრირება დაევალით სს „თელასსა“ და სს „ენერგო-პრო ჯორჯიას“. „გადაწყვეტილების“ მე-5 მუხლი იმეორებდა „ელექტროენერგეტიკისა და ბუნებრივი გაზის შესახებ“ კანონის დებულებას მომხმარებლისთვის ერთ-ერთი საფასურის ან/და მოსაკრებლის გადაუხდელობის ან არასრული გადახდის შემთხვევაში ადმინისტრატორის მიერ საკუთარი მომსახურების გაწევის შეწყვეტის ვალდებულებას.

3.3. 2017 წლის 21 ივლისს საქართველოს საკონსტიტუციო სასამართლოში გასაჩივრდა როგორც „ელექტროენერგეტიკისა და ბუნებრივი გაზის შესახებ“ საქართველოს კანონის 49⁶ მუხლის მე-4 პუნქტის, ასევე „ქ. თბილისში ელექტრომომარაგების, წყალმომარაგებისა და დასუფთავების ერთიანი ინტეგრირებული და კოორდინირებული სისტემის მეშვეობით განხორციელების შესახებ“ საქართველოს ენერგეტიკისა და წყალმომარაგების მარეგულირებელი ეროვნული კომისიის 2010 წლის 13 ოქტომბრის №24/3 გადაწყვეტილების მე-5 პუნქტის კონსტიტუციურობა საქართველოს კონსტიტუციის მე-17 მუხლის პირველ პუნქტთან და 30-ე მუხლის მე-2 პუნქტის მე-3 წინადადებასთან (2018 წლის 16 დეკემბრამდე მოქმედი რედაქცია) მიმართებით.

3.4. საქართველოს საკონსტიტუციო სასამართლომ 2021 წლის 5 ივლისის №1/2/1248 გადაწყვეტილებით დაადგინა, რომ მომხმარებლებისთვის ელექტროენერგიის მიწოდების შეწყვეტა სხვა კომუნალური გადასახადის გადახდის დაგვიანების გამო წარმოადგენს საქართველოს კონსტიტუციის 26-ე მუხლით გათვალისწინებული „მომხმარებელთა მიერ ბაზარზე არსებულ პროდუქტზე/მომსახურებაზე სამართლიანი პირობებით წვდომის“ უფლების დაცულ სფეროში ჩარევას, თუმცა გააჩნია ლეგიტიმური მიზანი, რომელიც არის „კომუნალურ მომსახურებათა სისტემის გამართული ფუნქციონირებისა და შესაბამისი მომსახურების საფასურის ეფექტურად ამოღება, რომელიც, საბოლოო ჯამში, მიმართულია საერთო საზოგადოებრივი კეთილდღეობის უზრუნველყოფისა და თავად მომხმარებელთა უფლებების ჯეროვანი დაცვისაკენ.“

3.5. ამასთან, სასამართლომ გამიჯნა მომსახურებები იმის მიხედვით, თუ რამდენად შეიძლებოდა მათი საფასურის გადახდის კონტროლი და შეწყვეტა დამოუკიდებლად და დაასკვნა, რომ „სადავო ნორმებით გათვალისწინებული შეზღუდვა წყალმომარაგების მომსახურებისა (მომხმარებელთა იმ კატეგორიასთან მიმართებით, რომლებიც არ ექვემდებარებიან ინდივიდუალურ გამრიცხველიანებას ან/და არ არსებობს დავალიანების არსებობის შემთხვევაში

¹ ჩანაცვლდა „ენერგეტიკისა და წყალმომარაგების შესახებ“ საქართველოს კანონით (მუხლი 164).



მათთვის წყალმომარაგების მომსახურების ინდივიდუალურად შეწყვეტის შესაძლებლობა) და დასუფთავების მომსახურების ნაწილში უნდა ჩაითვალოს დასახელებული ლეგიტიმური მიზნების მიღწევის აუცილებელ, ყველაზე ნაკლებად მზლუდავ საშუალებად. რაც შეეხება ბუნებრივი გაზის მიწოდების მომსახურებას, ასევე წყალმომარაგების მომსახურებას მომხმარებელთა იმ კატეგორიასთან მიმართებით, რომლებიც ექვემდებარებიან ინდივიდუალურ გამრიცხველიანებას ან/და არსებობს დავალიანების არსებობის შემთხვევაში მათთვის წყალმომარაგების მომსახურების ინდივიდუალურად შეწყვეტის შესაძლებლობა, სადავო რეგულირებები ვერ აკმაყოფილებს აუცილებლობის კრიტერიუმს და, შესაბამისად, ეწინააღმდეგება საქართველოს კონსტიტუციის 26-ე მუხლის მე-4 პუნქტის მე-3 წინადადებით დადგენილ მომხმარებელთა უფლებრივ გარანტიებს.“

3.6. შესაბამისად, სასამართლომ არაკონსტიტუციურად გამოაცხადა „ელექტროენერგეტიკისა და ბუნებრივი გაზის შესახებ“ საქართველოს კანონის 49^ე მუხლის მე-4 პუნქტის და „ქ. თბილისში ელექტრომომარაგების, წყალმომარაგებისა და დასუფთავების ერთიანი ინტეგრირებული და კოორდინირებული სისტემის მეშვეობით განხორციელების შესახებ“ საქართველოს ენერგეტიკისა და წყალმომარაგების მარეგულირებელი ეროვნული კომისიის 2010 წლის 13 ოქტომბრის №24/3 გადაწყვეტილების მე-5 პუნქტის ის ნორმატიული შინაარსი, რომელიც იწვევს სხვა მომსახურების მიწოდების შეწყვეტას ისეთი მომსახურების ღირებულების გადაუხდელობის გამო, რომლის შეწყვეტა დამოუკიდებლად არის შესაძლებელი.

3.7. რადგან საკონსტიტუციო სასამართლოსა და საქართველოს ენერგეტიკისა და წყალმომარაგების მარეგულირებელი ეროვნული კომისიის გადაწყვეტილებებით დადგენილი პრაქტიკა შინაარსობრივად ყველაზე ახლოს დგას „მომსახურების ხელშეკრულების“ ფარგლებში არსებულ ურთიერთობასთან, მიგვაჩნია, რომ „ორბის“ ჰოლდინგში შემავალი კომპანიების/ იურიდიული პირების მიერ „მომსახურების ხელშეკრულების“ შესრულებისა და კონტროლის მიზნით უნდა შემუშავდეს სახელმწიფოს მიერ დადგენილი სტანდარტის ანალოგიური პრაქტიკა, რაც გულისხმობს მომსახურების შეწყვეტის გამოყენებას მხოლოდ როგორც მომსახურების საფასურის ამოღების აუცილებელი და ყველაზე ნაკლებად მზლუდავი საშუალების სახით.

4. ინდივიდუალური მომსახურებების მიწოდების შეზღუდვის/შეწყვეტის პირობები

4.1. „მომსახურების ხელშეკრულების“ 6.3 პუნქტით გათვალისწინებული ღონისძიებების გამოყენებასთან ერთად, „ორბის“ ჰოლდინგში შემავალი კომპანიების/იურიდიული პირების უფლებამოსილმა პირებმა მხედველობაში მიიღონ შემდეგი გარემოებები:

- როდესაც მომხმარებლის მიერ არ ხდება „მომსახურების ხელშეკრულებით“ გათვალისწინებული მომსახურების საფასურის გადახდა, „ორბის“ ჰოლდინგში შემავალი კომპანიები/იურიდიული პირები, მომსახურების შინაარსიდან გამომდინარე, მოკლებული არიან შესაძლებლობას, რომელიმე მომხმარებელს ინდივიდუალურად შეუწყვიტონ მომსახურების მიწოდება (საერთო სივრცეებისა და საერთო ქონების მოვლა-პატრონობა ხდება ყველა მომხმარებლისთვის);

- იმ შემთხვევაში, როდესაც არ არის შესაძლებელი „მომსახურების ხელშეკრულებით“ გათვალისწინებული მომსახურების მიწოდების რომელიმე მომხმარებლისთვის ინდივიდუალურად შეწყვეტა, დასაშვებია სხვა მომსახურების, მათ შორის, სხვა სახელშეკრულებით ურთიერთობით გათვალისწინებული მომსახურების/მიწოდების შეწყვეტა, რომელსაც ინდივიდუალურად უწევს მომხმარებელს „ორბის“ ჰოლდინგში შემავალი შესაბამისი კომპანია/იურიდიული პირი;

- მომსახურება, რომელსაც „ორბის“ ჰოლდინგში შემავალი კომპანიები/იურიდიული პირები ინდივიდუალურად უწევენ მომხმარებელს არის ელექტროენერგიის მიწოდება (შპს



„ორბი ჯგუფი ბათუმი“-ს (ს/ნ: 445468798) შემთხვევაში) და ინტერნეტით უზრუნველყოფა (შპს „ორბი ნეტ“-ის (ს/ნ: 445548818) შემთხვევაში).

4.2. „ორბის“ ჰოლდინგში შემავალ შესაბამის კომპანიების/იურიდიული პირებს, რომლებიც მომხმარებლებს (მესაკუთრეებს) ინდივიდუალურად უწევენ რომელიმე მომსახურებას (ელექტროენერგიის მიწოდება, ინტერნეტით უზრუნველყოფა და სხვა) მიეცეთ უფლება, „მომსახურების ხელშეკრულებით“ გათვალისწინებული მომსახურების საფასურის დადგენილ ვადაში გადაუხდელობისას, შესაბამის მომხმარებლის (მესაკუთრეს) შეუწყვიტონ მომსახურების გაწევა (ელექტროენერგიის მიწოდება, ინტერნეტით უზრუნველყოფა და სხვა);

4.3. 4.2 პუნქტით გათვალისწინებული ღონისძიებები გამოყენებულ იქნეს „მესაკუთრის“ მიერ დავალიანების სრულად დაფარვამდე.

4.4. 4.2 პუნქტით გათვალისწინებული ღონისძიებების განხორციელებაზე ვალდებული პირები:

ა) „მომსახურების ხელშეკრულებით“ მომსახურების მიწოდებაზე პასუხისმგებელი პირები.

ბ) რომელიმე სხვა ხელშეკრულებით ინდივიდუალური მომსახურების მიმწოდებელი პირები.

5. ინსტრუქციის გამოყენების ფარგლები

5.1. „ინსტრუქციის“ მიზნებისთვის, „ორბის“ ჰოლდინგში შემავალი კომპანიების /იურიდიული პირების მფლობელობაში არსებულ სასტუმრო კომპლექსებს მიეკუთვნება როგორც მშენებლობადასრულებული, ისე სამომავლოდ ასაშენებელი კომპლექსები. კერძოდ:

A) ქ. ბათუმში, შერიფ ხიმშიაშვილის ქ. №7ბ-ში მდებარე სასტუმრო კომპლექსში (ს/კოდი: 05.24.05.222), „ორბი სითის“ „ა“ ბლოკი;

B) ქ. ბათუმში, შერიფ ხიმშიაშვილის ქ. №7დ-ში მდებარე სასტუმრო კომპლექსში (ს/კოდი: 05.24.05.237), „ორბი სითის“ „ც“ ბლოკი;

C) ქ. ბათუმში, ჟიული შარტავას გამზ. №1-ში მდებარე სასტუმრო კომპლექსში (ს/კოდი: 05.24.05.246), „ორბი სითის“ „დ1“ ბლოკი;

D) ქ. ბათუმში, ჟიული შარტავას გამზ. №3-ში მდებარე სასტუმრო კომპლექსში (ს/კოდი: 05.24.05.218), „ორბი სითის“ „დ2“ ბლოკი;

E) ქ. ბათუმში, ჟიული შარტავას გამზ. №3-ში მდებარე სასტუმრო კომპლექსში (ს/კოდი: 05.24.05.218), „ორბი სითის“ „ც2“ ბლოკი;

F) ქ. ბათუმში, შერიფ ხიმშიაშვილის ქ. №15ა-ში მდებარე სასტუმრო კომპლექსში (ს/კოდი: 05.24.04.055), „სი თაუერების“ „ა“ ბლოკი;

G) ქ. ბათუმში, შერიფ ხიმშიაშვილის ქ. №15ბ-ში მდებარე სასტუმრო კომპლექსში (ს/კოდი: 05.24.04.056), „სი თაუერების“ „ბ“ ბლოკი;

H) ქ. ბათუმში, შერიფ ხიმშიაშვილის ქ. №15გ-ში მდებარე სასტუმრო კომპლექსში (ს/კოდი: 05.24.04.054), „სი თაუერების“ „გ“ ბლოკი;

I) ქ. ბათუმში, შერიფ ხიმშიაშვილის ქ. №57-ში მდებარე სასტუმრო კომპლექსში (ს/კოდი: 05.32.12.230), „ბიჩ თაუერი“;

J) ქ. ბათუმში, კობალაძის ქ. №2-ში მდებარე სასტუმრო კომპლექსში (ს/კოდი: 05.24.03.052), „Orbi Residence“;

K) ქ. ბათუმში, კობალაძის ქ. №4-ში მდებარე სასტუმრო კომპლექსში (ს/კოდი: 05.24.03.036), „ორბი პლაზა“;

L) ბორჯომის მუნიციპალიტეტში, დაბა ბაკურიანში, დიდველის ქ. №32-ში მდებარე სასტუმრო კომპლექსში (ს/კოდი 64.30.04.578) „Orbi Palace“;

M) ბორჯომის მუნიციპალიტეტში, დაბა ბაკურიანში, დიდველის ქ. №92-ში მდებარე სასტუმრო კომპლექსში (ს/კოდი 64.30.04.754) „Orbi Palace Deluxe“.

N) ქ. ბათუმში, შოთა რუსთაველის ქ. №40ა-ში მდებარე სასტუმრო კომპლექსში (ს/კოდი: 05.23.02.020), „Orbi Continental“;



О) ქ. ბათუმში, შოთა რუსთაველის ქ. №44-ში მდებარე სასტუმრო კომპლექსში (ს/კოდი: 05.23.01.001), „Cipriani“;

Р) ქ. ბათუმში, ფიროსმანის ქ. №21ა-ში მდებარე სასტუმრო კომპლექსში (ს/კოდი: 05.24.08.138), „Comfort by Orbi“;

Q) ქ. ბათუმში, ტბელ-აბუსეროდის ქ. №11ე-ში მდებარე სასტუმრო კომპლექსში (ს/კოდი: 05.24.08.128), „Avant-garde by Orbi“;

R) ქ. ბათუმში, ჟიული შარტავას გამზ. №24-ში მდებარე სასტუმრო კომპლექსში (ს/კოდი: 05.26.02.133), „Avenue By Orbi“;

S) ქ. ბათუმში, ზღვისპირის ქ. №1ა-ში მდებარე სასტუმრო კომპლექსში (ს/კოდი: 05.32.14.073), „Orbi Millennium“-ის „A“ ბლოკი;

T) ქ. ბათუმში, ზღვისპირის ქ. №1ა-ში მდებარე სასტუმრო კომპლექსში (ს/კოდი: 05.32.14.073), „Orbi Millennium“-ის „B“ ბლოკი;

U) ქ. ბათუმში, ზღვისპირის ქ. №1ა-ში მდებარე სასტუმრო კომპლექსში (ს/კოდი: 05.32.14.073), „Orbi Millennium“-ის „C“ ბლოკი;

V) ქ. ბათუმში, ზღვისპირის ქ. №1ა-ში მდებარე სასტუმრო კომპლექსში (ს/კოდი: 05.32.14.073), „Orbi Millennium“-ის „D“ ბლოკი;

5.2. „ინსტრუქციის“ მიზნებისათვის, „ორბი“-ს ჰოლდინგში შემავალი კომპანიების/იურიდიული პირების ჩამონათვალი განსაზღვრულია „ორბის“ ჰოლდინგში შემავალი კომპანიების/იურიდიული პირების ჩამონათვალის დამტკიცების შესახებ „ორბის“ ჰოლდინგში შემავალი კომპანიების /იურიდიული პირების 2023 წლის 10 მაისის №7716 ბრძანებით.

6. გარდამავალი დებულებები

6.1. 4.4 პუნქტით განსაზღვრული განხორციელებაზე ვალდებული პირებისა და სხვა დაინტერესებული პირების მიერ გაცნობის მიზნით წინამდებარე „ინსტრუქცია“ A4 ფორმატის ფურცელზე ამობეჭდილი სახით:

A) გამოქვეყნდეს/განთავსდეს წინამდებარე „ინსტრუქციის“ მე-5 პუნქტით გათვალისწინებული ყველა სასტუმროს მიმღების (რეცეფშენის) სივრცეში;

B) გამოქვეყნდეს/განთავსდეს წინამდებარე „ინსტრუქციის“ მე-5 პუნქტით გათვალისწინებული ყველა სასტუმროს მიმღების (რეცეფშენის) სივრცის იმ ნაწილში, სადაც გაიცემა სასტუმრო ნომრის გასაღები/ბარათი;

C) გამოქვეყნდეს/განთავსდეს წინამდებარე „ინსტრუქციის“ მე-5 პუნქტით გათვალისწინებული ყველა სასტუმროს ყველა იმ სართულზე ლიფტების სივრცეში, სადაც განთავსებულია სასტუმრო ნომრები.

6.2. წინამდებარე „ინსტრუქცია“ ამოქმედდეს მისი გამოქვეყნებიდან მე-15 კალენდარულ დღეს.

6.4. წინამდებარე „ინსტრუქცია“ არ კრძალავს „მომსახურების ხელშეკრულების“ 6.3 პუნქტით გათვალისწინებული მოთხოვნის უზრუნველყოფის სხვა ღონისძიებების გამოყენებას „ინსტრუქციაში“ მითითებულ ღონისძიებებთან ერთად ან მათგან დამოუკიდებლად.

„ორბის“ ჰოლდინგში შემავალი კომპანიების
დირექტორი/გენერალური დირექტორი

ი. კვანთაძე

